

Samþykkt um sameiginlegt framboð

Landsfundur Samtaka um kvennalista, haldinn í Reykholti dagana 30. október til 1. nóvember 1998, lýsir yfir ánægju sinni með drög að málefagnagrundvelli samfylkingar Samtaka um kvennalista, Alþýðubandalags og Alþýðuflokks.

Landsfundur samþykkir að taka þátt í sameiginlegu framboði þessara afla að þeim skilyrðum uppfylltum, að fulltrúum Kvennalistans verði tryggt eitt af þremur efstu sætum í öllum kjördæmum. Landsfundur fagnar því samkomulagi sem gert hefur verið í Reykjavík og tryggir Kvennalistanum tvö trygg þingsæti í því kjördæmi.

Landsfundur Samtaka um kvennalista leggur áherslu á að jafnréttis kynjanna verði gætt við niðurröðun á framboðslista, sem og í öllu starfi sameiginlegs framboðs.

Ályktun um umhverfismál

Landsfundur Samtaka um kvennalista 31. okt. - 1. nóv. 1998 hvetur landsmenn alla til að standa traustan vörð um lífríki landsins og sjálfbæra nýtingu auðlinda okkar. Jafnframt hvetur landsfundurinn Alþingi til að hraða setningu laga um rannsóknir á lífríkinu svo að forða megi frá rányrkju.

Áskorun á umhverfisráðherra

Landsfundur Samtaka um kvennalista haldinn í Reykholti 30.10. -1.11. 1998 skorar á umhverfisráðherra að beita sér fyrir lagasetningu þar sem fellt verði úr gildi leyfi Landsvirkjunar til að virkja Jökulsá í Fljótsdal. Nýtt virkjanaleyfi yrði háð lögformlegu mati á umhverfisáhrifum. Einnig er skorað á umhverfisráðherra að hann beiti sér fyrir friðlysingu Snæfells og Vesturöræfa og tilnefni Eyjabakka sem Ramsarsvæði.

Landsfundurinn skorar á ríkisstjórnina að móta stefnu í nýtingu náttúruauðlinda landsins með það að markmiði að vernda ósnortin víðerni og aðrar helstu gersemar í náttúru Íslands.

Ingibjörg Stefánsdóttir
framkvæmdastýra Kvennalistans